

Young Entrepreneurs Stichting ta presenta “Yes Connect”



ORANJESTAD- Young Entrepreneurs Stichting of Aruba (YES Aruba) ta presenta YES Connect, un evento pa tur negoshantenan nobo, cual lo tuma luga dialuna, 28 oktober, 2013 pa 7:00 p.m. Luga lo ser anuncia despues. E evento aki lo duna oportunidad pa entrepreneur hoben y experiencia bini hunto pa por interactua y discuti diferente topico di interes pa negoshi. Tambe lo tin oportunidad pa networking y pa haci mas pregunta. Entrada ta gratis.

Esaki ta e segundo evento cu YES Aruba ta organisa. Recientemente nan tawatin e lansamento oficial di nan stichting, cual a wordo patrocinado dor di Aruba Bank na Renaissance Convention Center. Durante e lansamento

aki, YES Aruba a presenta varios discurso cu informacion valioso pa e comunidad di comerciantenan nobo y hoben. E anochi tawata bon bishita pa tanto comerciantenan nobo, como esunnan cu mas experiencia. Na final di e anochi spontaneamente e entrepreneurs nan presente a cuminsa comparti tips y aporta un colaboracion tremendo di nan experiencia. Esaki mes ta loke a sirbi como inspiracion pa e directiva di YES Aruba pa prepara nan siguiente evento.

Tocante nan evento di lansamento, Kawish Misier, tesoro di YES Aruba a bisa: “Nos a planta un ‘simia’ y awo nos tur tin cu traha hunto pa haci esaki bira un ‘mata’ fuerte. Aruba su di tres pilar

economico ta un economia stimula pa conocimiento y p’esey mes, e miho inversion ta esun di nos hendenan”.

Ramsis Arends, miembro di directiva di YES Aruba a bisa: “Nos ta hopi contento cu e resultado di e anochi. Nos a mira hopi entusiasmo di young entrepreneurs, pero tambe nos a keda hopi contento pa mira cuanto entrepreneurs cu mas experiencia a bin muestra nan sosten. Conectando e entrepreneurs nobo cu esunnan cu mas experiencia, ta algo cu sigur lo beneficia e young entrepreneurs y nos semper ta contento cu tur ayudo. E cantidad di experiencia cu tin pa comparti no por pone un prijs riba dje”.

Durante e evento, tres orador

presentacion titula “Finance for Generation X & Y”, cual a cubri opcionnan alternativo pa yega na financiamiento pa un negoshi den e tempo di awo.

Daryanani a splica cu entre otro YES Aruba lo organisa “think tanks” riba diferente topico pa crea ideanan nobo pe comerciantenan y tambe lo organisa sesionnan di “networking” entre e negoshantenan nobo y otro partidonan relevante. Ademas YES Aruba lo sigui stimula e relacionnan di “mentor” entre e negoshantenan nobo y esunnan cu mas experiencia, yudando e negoshinan nobo, cu ta drentando mercado pa medio di diferente evento.

For di momento cu a presenta YES Aruba, tanto su concepto y su realizacion tabata muestra di tin un potencial grandi pa desaroya den un ‘stakeholder’ importante den nos comunidad. Especialmente pa loke ta trata e ramo economico, financiero y comercial, como representante di e comerciantenan hoben y di e negoshi chikito y mediano. Como tal representante YES Aruba tambe lo haci un esfuerzo pa influencia maneho di gobierno cu ta afecta negoshinan.

Aruba Bank y Presidente di YES Aruba, Hashvin Daryanani y miembronan di directiva; Ramsis Arends y Kawish Misier ta satisfecho di por tabata anfitrion di e grupo entusiasmo di negociante nobo y hoben, cu a atende e prome evento di e fundacion. Pa registra pa YES Connect, bishita e Web site di YES Aruba na www.yesaruba.org.

